

Na osnovu člana 4.2. i 4.7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), člana 33. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 49. stav (7) Pravilnika o licencama – Prečišćeni tekst ("Službeni glasnik BiH", broj 63/16), na sjednici Državne regulatorne komisije za električnu energiju, održanoj 15. januara 2025. godine, donijeta je

## **ODLUKA**

### **O NASTAVKU KORIŠTENJA LICENCE**

1. Pravno lice "Global Ispat koksna industrija" d.o.o., Lukavac, vlasnik privremene licence za obavljanje djelatnosti međunarodne trgovine električnom energijom, registracijski broj 05-28-12-302-20/24 od 6. novembra 2024. godine, nastavlja korištenje ranije dodijeljene privremene licence pod nazivom "Koksara" d.o.o., Lukavac, uz neizmijenjene uvjete licence.
2. Ova Odluka stupa na snagu danom donošenja, a dispozitiv Odluke bit će objavljen u "Službenom glasniku BiH" i službenim glasilima entiteta.

### ***Obrazloženje***

Pravno lice "Global Ispat koksna industrija" d.o.o., Lukavac, vlasnik je privremene licence za obavljanje djelatnosti međunarodne trgovine električnom energijom, koja mu je izdata Odlukom Državne regulatorne komisije za električnu energiju (u daljnjem tekstu: DERK) broj 05-28-12-302-19/24 od 6. novembra 2024. godine, na period od 24. novembra 2024. godine do 23. novembra 2026. godine.

Vlasnik privremene licence je aktima od 26. novembra 2024. godine i 7. januara 2025. godine koji su zaprimljeni 31. decembra 2024. godine i 8. januara 2025. godine, obavijestio DERK o promjeni naziva društva, s ciljem da se ovi podaci izmijene u službenim evidencijama DERK-a.

Prijava izmijenjenih podataka potkrijepljena je i odgovarajućom dokumentacijom, te je uvidom u Rješenje o izmjenama podataka Općinskog suda u Tuzli broj 032-0-Reg-24-001927 od 20. decembra 2024. godine, utvrđeno da je u sudski registar upisana promjena naziva društva. Shodno tome, umjesto ranijeg naziva "Global Ispat koksna industrija" d.o.o., Lukavac, upisan je naziv "Koksara" d.o.o., Lukavac.

Imajući u vidu da se, shodno Pravilniku o licencama – Prečišćeni tekst, promjenom licence ne smatra promjena naziva, sjedišta ili adrese vlasnika licence, a uvažavajući činjenicu da promijenjeni podaci nemaju utjecaj na pravni položaj vlasnika licence i daljnje nesmetano korištenje licence jer je u pitanju isto pravno lice, to je, na osnovu člana 49. stav (7) Pravilnika o licencama – Prečišćeni tekst, donijeta odluka kao u dispozitivu.

U skladu s članom 9.2. Zakona o prijenosu, regulatoru i operatoru sistema električne energije u Bosni i Hercegovini, protiv ove Odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema.

Broj: 05-28-13-405-3/24

15. januara 2025. godine

Tuzla

Predsjedavajuća Komisije

Branislava Milekić